



PREPARASYON POU APRANTISAJ ADISTANS



Ou ka ede mete pitit ou sou bon chemen pou aprantisaj adistans avèk jis kèk etap:

✓ **Asire elèv la gen yon aparèy ki konekte sou entènèt ki mache.**

Biwo IT DOE disponib pou ede w avèk aparèy oswa sipò entènèt. Rele 718-935-5100 epi peze 5, oswa suiv links pi ba yo:

- ☐ Eske w bezwen yon aparèy DOE? schools.nyc.gov/devices
- ☐ Ou gen pwoblèm epi w bezwen sipò teknik? schools.nyc.gov/techsupport
- ☐ Si iPad DOE prete w la bezwen repare: schools.nyc.gov/ipadfixes
- ☐ Eske w bezwen èd pou jwenn aksè nan sèvis entènèt? schools.nyc.gov/internet

✓ **Revize platfòm ak zouti pitit ou a ka itilize nan aprantisaj adistans:**

- ☐ Kòmanse avèk Google Classrooms: schools.nyc.gov/learning/learn-at-home/technical-tools-and-support/getting-started-in-google-classroom
- ☐ Kòmanse avèk Microsoft Teams: schools.nyc.gov/learning/learn-at-home/technical-tools-and-support/getting-started-in-microsoft-teams
- ☐ Kòmanse avèk DOE Zoom: schools.nyc.gov/learning/learn-at-home/technical-tools-and-support/getting-started-with-zoom
- ☐ Jwenn sipò pou aprantisaj adistans nan lòt lang ki pa anglè: schools.nyc.gov/learning/multilingual-learners/translated-support-for-remote-learning

✓ **Monte Kont DOE Elèv pitit ou a: schools.nyc.gov/studentaccounts**

✓ **Mete enfòmasyon kontak ou ajou nan Kont Elèv NYC ou (mystudent.nyc), epi konfime ke lekòl pitit ou a gen adrès imèl ou ak nimewo telefòn pou yo ka kontakte ou avèk dènye enfòmasyon enpòtan yo.**



Fason pou sipòte pitit ou avèk aprantisaj adistans

Pandan aprantisaj adistans lan, timoun gade yon ekran oswa li epi ekri pou plizyè èdtan afile. Yo fè ak remèt devwa tou, kominike avèk pwofesè ak kamarad klas yo, asire yo ouvri sesyon an nan tan egzat pou klas yo, epi sonje delè ak materyèl. Sa se yon pakèt responsabilite!

Men fason pou ede pitit ou a gen yon jounen lekòl pwodiktif avèk siksè:

Ankadre jounen pitit ou a.

- ☐ Ankouraje li fè devwa lekòl yo nan menm kote a chak jou, si sa posib.
- ☐ Kenbe founiti lekòl yo ak aparèy yo nan yon kote fyab, fasil pou jwenn.

Ede elèv ou prepare pou chak sesyon aprantisaj.

- ☐ Ankouraje li li tout eksplikasyon avan li kòmanse pou li ka konprann devwa a.
- ☐ Tcheke yon lòt fwa ke yo ka jwenn aksè nan nenpòt materyèl pwofesè yo te pataje.

Ankouraje pitit ou a pran pòz pandan tout jounen an pou ede yo rechaje epi konsantre.

- ☐ Timoun piti ka benefisye pòz kout souvan, apeprè chak 15 minit, pandan elèv ki pi gran yo ka bezwen "repo nan sèvo" kout chak 30 minit.
- ☐ Pandan repo, ankouraje pitit ou a detire, respire pwofon, epi fè mouvman avèk kò li.

Tcheke avèk pitit ou nan fen chak jounen lekòl.

- ☐ Menmsi oumenm ak pitit ou pataje menm espas la tout jounen an, ou ka toujou aprann anpil bagay lè ou montre enterè pou konnen aktivite lekòl li.
- ☐ Nan fen jounen an, poze kesyon tankou: *Kisa ki te nan leson matematik ou a? Kiyès ou wè nan Zoom jodia? Kisa ki te difisil pou ou? Eske ou aprann yon bagay enpòtan jodia? Nan ki imè ou te ye jodia? Eske te gen yon bagay dwòl ki rive*

Selebre viktwa pitit ou a.

- ☐ Fè pitit ou a konnen ke ou fyè de li dèskè li angaje aktivman nan tout klas yo epi fè devwa li alè.
- ☐ Selebre akonplisman li, epi fè lwanj pou li chak jou.

Rete konekte avèk pwofesè pitit ou a.

- ☐ Sa ou tande pandan klas andirèk pitit ou a ka ofri enpresyon sou sa k ap pase nan leson sa a - men li pa fè ou konnen kijan pitit ou a ap travay.
- ☐ Pa rete tann pou konferans paran-pwofesè pou tcheke pwogrès pitit ou a.
- ☐ Imèl pwofesè regilyèman ase pou konprann kijan pitit ou a ap travay, si gen zòn kote li bezwen èd anplis, ak kijan ou ka pi byen sipòte li.